

phailaimani marirok tabukbo khukbai khugo sajago phiiya abo tabuk imang hai simise. O imanghaino mukthang swnamna bagwi khoroksa borokbai simi wngya bebak thansakhese mwthangwi manarwkna.

“Tabuk gatio nasingwi rwnghangno ang ringphuru

Chibuksa ano ringo hathai narni simi”

Kwcham hukumu-mukumuno twidulwi kwtal jorani tongmung chamungbai gwdalwi agini jorani tongraidarokno romwi naraknani kokno hathai narni simi chibuksa ringo hinwi sajakkha. Koklopnai sakha laiphaijak kwcham jorani tongraida, hoda raidarokno twidulwise bwsjango ma-akokthai kwtal jorabai gwdalphano. Swinai teibo sana naikha, tabuk agini jorani hai bolongo tongwi huk chawi tongnai kwrwikha bebakno kochokna nai tongbaikha phiya kwtal jorabai gwdalwi rwnghangno ajiwi kwcham tongwrwngho twidulwi bws kang akokna nangnai.

Paithago saimano, koklopnai bini o koklopnai bisingtwi borok dophani lukurok kwtal jorabai gwdalwi kwcham jorani baithang hukumu-mukumu, hoda raidarokno yakarwrngwi tongmano nugwi kwtal jorabai gwdalphano kwcham jorani tongraida, hukumu-mukumu, hoda raidarokno twi dulwi bws kang akokna nangmanikokno sana naikha.

“Haping Garingo Chibuksa ringo” koklopni kokbothoma/kokyaphang swidi.

Phirokmung: - “Haping garingo chibuksa ringo” koklopno swikha swikwring Chandrakanta Murasingh. Bini o koklop bini sakbaithangni 1987 bisino karijak ‘Haping garingo chibuksa ringo’ mungwi koklop bijapni naharjakha.

Koklopnai bini o koklobo kainwi Bukhuknwi tei bukhuknwi kerang kothomano suwi phunugwi jora swlaijakma logi logi Tipra dophani lukurok baithang bosongni hukumu-mukumu, laibumarokno yakarwringwi tongmani kokno sana naikha.

“Totema banda abarsa pengsani bagwi

Twigereng Twibotok sarsa sarsa

Twisa rukungo boikha

Totesa banda abarsa pengsani bagwi

Twibotok tokhwai thangte thangte

Twimao yakung khukha”

Sakani kokbwtangno naiwi saimano obo ‘Bukhuknwi’ kerang kothomano rwigwi swijakkha. O kerang kothoma ‘Tote’ wngkha mwkhrabai bukhuknwiroki thaithak bwrwini bwsa. O ‘Tote’-nono koklopnai sakha, Totema, Totesano bandewi a yakasa charina bagwi Twikhereng botok sarte sarte Twisa rukungo sogwikha tei Totesabo bummani logi tongwi Twikherengni Twimao bahaikhe sogwikha abono saimakha. Kok wngkha Tipra dophani lukurok jora kaisao siya nukya, rwngmari kwrwing tongphano twrwk twrwk buini nugwi swrwingwi kwrwing wngbaikha. Abose tabukkhai baithang dophani hukumu-mukumu, laibumarok pokrwrwk wngwi tonglaikha. Phiya kwcham jorabai gwdalwise kwat jorao yapiri senani nango haikhesese dopha kuchugo kasanai hinwi swinai sakha.

“Kebo saya i twima bswk joratwi thang”

Hayung wngkha raidabai khajak. I raidano kebo barwimaya. Hayungo achaiphaikhe salsa yakarwibo mathangnai, tamokhe bo jorao mathangnai abo simise saimaya. Aboni bagwino kwthang tongsakno rwngmari ajiwi baithangni hukumu-mukumu, hoda raidarokno mwthangwi matisanai. Tumung twidulwi tisayakhe salsa komor thangnai. Abohaino Tipra dophani lukurokbo kwat jorabai gwdalwi baithangni hukumu-mukumu, hoda raidarokno yakarwringwi tongmabai kwmana bwkhak lam riwino tongkha. Abono kwmayasani mwthangwi manaraknai hinwi sanani naikha.

“Haping garingo kerang kothomani chibuk muisele ringmani

Tinibo thakyakho”

Sakani kokbwtang swinai “Bukhuknwi eba Raima saima” kerang kothomano rwigwi swikha. O kerang kothomao chibuk muisele wngkha swraimung chajak bubagrani bwsla Raimani bwsai. Kok wngkha kerang kothomarok jeswk sajago aswkno pinjagwi mwthang wngwi tongnai, sajakyakhai komor thangnai. Abohaino dophani hukumu-mukumu, hoda raidarokbo twidulwi tonikhaise kwthang wngwi tongnai, lukubai sinijaknai, kotor kolok wngnai kuchugo kasanai. Koklopnai teibo sana naikha borok dopharok wngkha dongoima dongoiphani joranisimino bolongo tongwi huk chawi nukhung khawi

Kokborok kokno kuchugo tisathani phatar Hani elemkwrwngrok Kokborokno tamo hinwi mung pharlangkha tei a bijapno rwgwi kok kisabai sukrubwi swidi. 10

Or,

Mani kok Kokborokno kuchugo tisane bagwi samung tanglangnai phatar hani khorokchar kok soisikwrwngrok eba elemkwrwngrok Kokborokno tamo hinwi mung pharlangkha mariui swidi. 10

Phirokmung—

Kokborok kokno kuchugo tisathani phatar Hani khorokchar elemkwrwng eba kok soisikwrwngrok-

- i) Sir A. Phayere : 1841 bisio “Journal of the Asiatic Society of Bengal” Vol-x, pt.11, p.711. O journalni kokbwxhalo bo Kokborokni kokthairokno twiwi koklam khwlaikha tei chini borok dophani maani kokno ‘Tipperah’ hinwi mung pharkha.
- ii) H. C. Sutherland(Henry Charles Sutherland) : 1860 bisio swikwrwng H.C.Sutherland-bai swijak “Culcutta Review” mungnwi koktwmani Vol.xxxv, No.70, o Kokborokni kokthairokno twiwi swilangkha. Aro bo Kokborok kokno ‘Tipperah; hinwi sakha.
- iii) T. H. Lewin : Swikwrwng T. H. Lewin 1869 bisio “The Hill Tract of Chittagong and the Dwellers therein” mungwi kokkhal kaisa swikha. Bini a kokkhalo Kokborok tei Lushai eba Kuki kokrokni dalrokno phunukjakkha. Aro Kokborok kokni mung ‘Tipperah’ hinwi sakha.
- iv) Sir George Campbell : sir George Campbell 1874 bisio “Specimens of the language of India, including those of the Aboriginal Tribes of Bengal, the Central provinces and the Eastern Frontier” pp.188-201, pp.204-217 bijabo Kokborok kokno ‘Tipperah’ hinwi sakha.
- v) Sir W. W. Hunter(William Wilson Hunter): Sir William Willson Hunter 1876 bisio “A Statistical Account of Bengal” swikha. Bini o bijabo bo T. H. Lewin-bai thumjak Kokborok kokthairokni dalnairokno tisai phunukphikha. Oro kok khursakha je Tipra dophani baithang swrai swrai kok tongo phiyaba o kokbai swijak bijap kwrwi. Bini o bijabo bo chini borok dophani mani kokno ‘Tipperah’ hinwi sakha.
- vi) Sir R. Sydney Endle : munggnang sir R. Sydney Endle 1884 bisio “An outline grammar of the Kachari(Bodo) language as spoken in District Darrang, Assam” bijap swikha. Bo bini o bijapni chengsamungo hachuk Tripura(Hill Ttipura)ni kokbai Kachari kokni halokno tisawi phunukkha. Tei Kachari, Garo tei Kokborokni kokthairok so’ amano surwi phunukha. Oro Kokborokno bo ‘Tipperah’ hinwi sakha.
- vii) J. D. Anderson : Munggnang J. D. Anderson 1885 bisio hachuk Tripurani Kokborok kokthairokni mungrem barasa kaisa swnamkha tei aro Kokborokni English kokmung(meaning) phunukha. Tei aro Sylhet ha bwkhakni ario tonglainai Lushai dophani kokthairoknobo tisakha.

- viii) T.E. Coxhead : Munggunang T. E. Coxhead bini Annual Report(1876)ni swimungo Kokborokno 'Tipperah' hinwi salangkha.
- ix) Sir George Abraham : Sir George Abrahan Grierson 'Linguistic Survey of India' Vol.iii, p.2 bijabo Kokborokno 'Tipura' tei 'Murung' hinwi sakha. Aro bo borok dopharok bo thaio bswsk bang abobo tisakha.